

## **Symma Juris Canonici**

Comprehensa Tribus Partibus In Qva Distincte Et Succincte Explicantur,  
quæ ad personas, negotia, & iudicia Ecclesiastica ex Canonum præscripto,  
pertinent

De Personis Ecclesiasticis, Earumque statu, Dignitate, munere, &  
Immunitate

**Strein, Johann**

**Coloniæ Agrippinæ, 1658**

§. 1. Nomen & Dignitas.

---

[urn:nbn:de:hbz:466:1-61816](#)

*non viriatur*, quando unum ab altero separari potest. de quo *V. Dynum, & Barbos.*

**VI.** Appellans contra electionem & deficiens in probatione pœnæ talionis reus est: & insuper ad expensas tenetur, nisi probabilem appellandi & litigandi causam se habuisse demonstret. c. signifi caverunt de test. & attest. c. ut debitus eod. Hoc enim generaliter obtinet, ut qui defecerit in appellatione, condemnetur ad expensas. Quod etiam fiet, si renuncia.

veritatem appellationi, etiam invito appellatio ne, sive res integra sit, sive non. *Sigism. Stacc. in tr. de appell. q. 17. Limit. 2. num. 112.* amplians. Licet appellatus non receperit appellationem, nihilominus in expensas condemnandum esse appellantem. *Excipe nisi renuntiasset conditionaliter. V. Barbos. in c. Interposita 70. de appellat. & qua' di-cturi sumus in Par. 3. tt. 10. Lancel. l. 3. tt. 17. Mynsing. Centur. 4. obs. 55.*

## TITULUS VII.

### De Episcopis.

**M**ultum laborant nostri temporis Sectarii, ut persuadeant Episcopos à Presbyteris, & ministris Ecclesiæ solo nomine differre, nullum habere ordinem aut potestatem majorē. *Calvinus l. 4. Inst. c. 4. n. 2.* Non sic, ait, honore & dignitate superior erat Episcopus (*in veteri Ecclesiâ*) ut dominium in Collegas haberet, sed quas partes habet Consul in Senatu, ut referat de negotiis, sententias roget, consulendo, monendo, hortando, aliis præeat, auctoritate sua totam actionem regat, & quod decreatum communis consilio fuerit, exequatur; id munera sustinebat Episcopus in presbyterorum coetu. Atque idipsum pro temporum necessitate fuisse humano consensu inductum, fatentur ipsi veteres. Ita *Hieronymus in ep. ad Titum. Idem. inquit* presbyter, qui Episcopus. Et paucis interiectis singula Collegia politiæ tantum, & pacis conservandæ gratia uni Episcopo suberant, qui sic alios dignitate antece-

debat ut fratrum coetu subjicerentur. *Lata Calvinus cum suis*, quorum error & falsitas ex dicendis patebit. *V. Bell. l. 1. de Pontif. c. 9. & l. 2. c. 27. Valent. l. de discrim. Ord. Sacerd. & Episcop.*

#### §. I.

##### De nomine & Dignitate Episcopi.

**I. S.** *Augustinus l. 19. de Civ. Dei c. 19.* cum allegasset illud Apostoli, epist. 1. ad Tim. 4. Qui Episcopatum desiderat, bonum opus desiderat. Exponere, inquit, voluit, quid sit Episcopatus, quia nomen est operis non honoris. Græcum est enim, atque inde ductum vocabulum, quod ille, qui præficitur, eis, quibus præficitur, superintendit, curam eorum scilicet gerens. ἐπί quippe super, σύντονος verò intentio est: ergo ἐπισκέπτης, si velimus latinè superintendere possumus dicere, ut intelligat, non se esse Episcopum, qui præfesse neglexerit, nō prodesset.

P 2

Ita



Ita Augustinus. Alii à speculando dici episcopos volunt. Ciceronem secuti, qui ad Atticum scribens l. 10. ep. 7. vult me, ait, Pompeius esse, quem tota hæc maritima ora habeat ἐπίσκοπον, id est, speculatorum & custodem. Vnde appetet à sæculari magistratu ad sacros antistites translatum esse. In l. Munerum 2. ff. De muneric. Et honorib. episcopi vocantur, qui præsunt pani, & cæteris venalibus, quæ civitatum populis quotidianum victum suggerunt. Baudus episcopi nomen non magis, & verius. Speculatorum, quam inspectorem significare putat. Nam Græcis episcopi, & ephorierant, quibus non solum oculis lustrandi potestas, sed etiam providentia, & cognitio commendabatur. Lancelotus l. 1. n. 21. Tholosanus l. 16. c. 8. Mosconius par. 1. 6. 8. Alvar. Pelagius l. 2. art. 18.

II. Episcopi propter excellentiam dignitatis suæ vocantur aliquando summi Sacerdotes c. ult. 3. Q. 1. ubi Fabianus Papa ad episcopos Orientales scribens dicit. Deus ad hoc præordinavit vos, & omnes, qui summo Sacerdotio funguntur, ut iniusticias removeatis, & præsumptiones abscondatis. Aliquando Pontifices c. Mefiana de elect. & Nicolaus l. relatus in c. 4. Causa 7. Q. 1. ubi moner abiiciendos non esse pontifices, id est, episcopos, qui aliqua occupantur infirmitate, vel ægritudine. Aliquando Papæ nomen illis tributum est. Ita s. Augustin. in epist. suisep. 91. 94. 98. Hieronymus ter quaterve sanctum, & venerabilem Papam appellat. Eodem titulo utitur scribens ad Chromatiū Aquileensem episcopum. Verum hoc tempore usus obtinuit, ut Papæ appellatio Soli Romano pontifici tribuatur, quia is verè pater patrum, episcoporum præses, & sum-

mus ecclesiæ pastor est. Denique in jure civili episcopi nominantur illustres. Bart. in l. Omnes populi q. 4. ff. de inst. & in. Item personæ egregiæ, quæ domi manentes testimonium reddere possint. Glo. in l. Egredias ff. De iureiur. Silv. V. Episcopus n. 1. Multis nimirum virtutibus ornatum esse. Antistitem cupimus, quarum singula præ priam commendationem mereantur.

III. Episcopus maior est Sacerdote simplici, non tantum auctoritate seu dignitate, sed etiam potestate tam ordinis, quam iurisdictionis. De potestate ordinis patet, quia solius episcopi est, creare presbyteros, quod presci vocant generare ecclesiæ patres. Epiphanius bar. 75. Damasus Papa ep. 3. Leo I ep. 88. & Hieron. ad Evagrinum ep. 85. Quid facit episcopus excepta ordinatione, quod presbyter non facit? Adde Conc. Trid. definitionem S. 23. c. 7. si quis dixerit, episcopos non esse presbyteros vel non habere potestatem confirmandi & ordinandi, aut eam, quam habent, illis esse cum presbyteris communem, anathematizat. Presbyteros D. 95. c. olim. ibid. & sequ. Tholosan. l. 16. c. 8. Greg. de Valent. l. de discrim. Sacerd. & episc. ordinis.

IV. Dubiæ questionis est, An episcopatus sit ordo à Sacerdotio distinctus? Esse verum ordinem communior sententia est. Barb. in c. Quorundam de testam. sed à Sacerdotio indistinctum, nisi velis, episcopatum incompletè accipere, nimirum, ut significat officium, & administrationem in conferendo Sacra menta confirmationis, & ordinis. Nam quatenus est nomen potestatis in conceperanda & administranda Eucharistia, in episcopo & Sacerdote eadem cernitur juxta priorem acceptiō nem Anacletus ep. 3. c. 2. in fine dixit. Amplus

PARS I. TIT. VII. DE EPISCOPIS.

89

plius, quam isti duo (episcopatus, & Sacerdotium) ordines Sacerdotum nec nobis à Deo collati sunt, nec Apostoli docuerunt. Et Damasus ep. 4. Quia inquit, sunt duo tantum primi in ecclesia ordines, id est, Apostolorum & 70. discipulorum. *Dnrand.* in 4. D. 24. q. 6. *Palud.* ibid. Q. 7. *Vasq.* Disp. 240. c. 5. *Lancelot.* l. 1. tt. 21. *Cuculus* l. 1. pag. 41. *Ag.* *Coninck* disp. 20. de Sacramento Ord. dub. 2. cir. fin. *Em. Sa.* V. Ordo n. 7. *Laym.* l. 5. tr. 9. c. 4. num. 3. *Henrig.* l. 10. cap. 7.

V. De Charaktere etiam opinionum diversitas est: ut compendiò: dicam si character in ipsa potestate consistit, secundum S. Thomae Aquin. mentem, cui adhaeret *Sotus* in 4. D. 1. q. 4. *Zecchus* de Sacram. in gen. c. 14. conc. 6. *Tolet.* l. 2. c. 16. n. 10. *Em. Sa.* V. *Ordo.* n. 7. dici potest, distinctum characterem imprimi episcopo, quia in consecratione sua accipit potestatem ordinis distinctam à Sacerdotali, quandoquidem Sacramentum Confirmationis, & Ordinationis solus administrat. Si autem non necessariò cum potestate multiplicatur character, affirmare licet, eundem in episcopo & Sacerdote simplici characterem esse, quamvis in Episcopo ad plura Sacraenta extendatur. Denique si character, ut *Gabr. Vasquez* placet disp. 134. c. 3. merum signum est seu qualitas spiritualis primæ speciei, cuiusmodi aliquando equis & ovibus impinguuntur distinctionis causa, facile admittimus, in episcopis distinctum esse, quia alia ipsius dignitas, aliis gradus & potestas est, quam significare potest Charakter. V. Card. *Lugo de Sacram.* in gen. disp. 6. Sect. 3. p. 106. & sequentibus. Franc. *Suarez* disp. 11. Sect. 1. *Ag.* *Coninck de Sacram.* Q.

63. art. 1. & 2. *Filliat.* Tract. 1. c. 8. nu. 117. *Navarr.* c. 22. de Sacram. Ord. n. 17. *Fernandez Exam.* Theol. pag. 505. *Petr. Soto lect.* 4. de ordine Palac. in 4. dist. 24. *Silv. V.* Character. *Armilla. V.* *Ordo.* n. 5. *Angel. V.* *Ordo.* n. 1. *Sanch.* l. 7. *Consil.* c. 1. *dub.* 9. nu. 1. *Tanner.* IV. disp. 7. Q. 2. n. 34.

§. II.

De electione episcopali.

I. **A**D ecclesiam seu populum universum pertinere electionem episcoporum contendunt nostri Sectarii. *Calvinus* l. 4. Inst. c. 5. nu. 2. lam in elendo, inquit, totum illud ius populi sublatum est: Vota, assensus, subscriptiones, & omnia eiusmodi evanuerunt. Ad solos Canonicos in regula potestas translata est. Illi, in quem volunt, conferunt episcopatum, eum mox in conspectum populi producunt, non examinandum, sed adorandum. *Vulturini* persuadet *Calvinus*, quod iure divino electione non à clero, sed à multitudine, seu cœtu fidelium fieri debeat: quod nunquam imperabat. Nam exempla *Martinus*, & *Diaconorum* nihil aliud probant, quam initio ecclesiae multitudinis suffragia valuisse, non verò necessario id faciendum esse. Ecclesiae arbitrio relitus, & commendatus est electionis modus, qui pro temporum varietate, & necessitate non semel mutavit. Multis annis totius ecclesiae iudicium, & arbitrium placuit, postea in clerum electione translata est: deinde regibus & principibus propter dissensionem cleri, & populi permitta à quibus novissime ad paucos & meliores à clero pervenit. Quamobrem

E 3

à Solis